



COMUNE DE S'ULUMEDU

Provìntzia de Tàtari

Setore: **ÀREA VIGILÀNTZIA**

Servìtziu: **Politzia locale**

Responsàbile: **Dr. Giuseppe Manca**

Ordinàntzias n. **21** de su **12.06.2025**

Ogetu: **MODÌFICA A SA VIABILIDADE EX ART. 6 E 7 D.LGS. N. 285/92 – SERRADA TEMPORÀNEA DE SA TZIRCULATZIONE IN S'ANFITEATRU – IN SOS TRETOS CARRERA MAZZINI CARRERA SALVO D'ACQUISTO, CARRERA MAZZINI IV NOVEMBRE, CARRERA NURAGHE MANNU E CARRERA MATTEOTTI IN OCASIONE DE SA PROIETZIONE DE SU FILM “NEMOS ANDANDO PER MARE”.**

TORRADA A CRAMARE sa delibera de Giunta n. 51 de su 12.06.2025 chi previdit sa proietzione de su film “Nemos andando per mare” cun su patrotzìniu de su Comune de S'Ulumedu;

APRETZIADU oportunu, pro garantire e tutelare sa siguresa de sas pessones, de serrare s'àrea cunsentende su passàgiu in sas carreras alternativas a sos residentes in sa carrera pro pòdere intrare a sas domos issoro;

APRETZIADU pro cussu de emìtere s'ordinàntzia presente pro sa serrada temporànea de s'àrea a inghìriu de s'anfiteatru, interessada dae sa proietzione de su film;

BIDA sa Lege 7 de austu 1990, n. 241 e mm.ii.ii.;

BIDU sos artìculos 6 e 7 de su D.Lgs. 285 de su 30.04.1992 e su Regulamentu de esecutzione e atuatzione relativu;

BIDU su Decretu Legislativo n. 267/2000 e mm.ii.ii.;

BIDU su Decretu Sindagale; n. 3 de su 31 de Austu 2023, cun su cale sunt istados nominados sos responsàbiles de sos servìtzios dae su 1 de cabidanni 2023 a su 30 de làmpadas 2025.

ÒRDINAT

Pro sos motivos indicados in premissa chi inoghe si aprètziat torrados a cramare de su totu, sa serrada de su passàgiu e sa proibidura de firmada de sas màchinas dae sas oras 19:00 a sas oras 24:00 de sàpadu 13 de làmpadas in s'àrea a inghìriu de s'anfiteatru; pro sas màchinas chi benint dae Carrera Salvo D'Acquisto òbligu de girare in Carrera Mazzini diretzione Carrera XXV Luglio, pro sas màchinas chi benint dae sa campagna de Carrera Matteotti, òbligu de girare a destra ojos a

Carrera Nuraghe Mannu e Salvo D'Acquisto, pro chie benit dae Carrera IV Novembre òbligu de girare a destra in Carrera Mazzini.

INCÀRRIGAT

S'Ufitziu Tènicu pro mèdiu de sos oberajos pròpios pro s'afissione de sa signalètica verticale a su nessi 48 oras in antis e sa predisposizione de sas transennas pro sa serrada de s'àrea in sas oras indicadas.

DISPONET CHI

S'Ordinàntzia presente siat publicada in s'albu pretòriu e trasmìtida in còpia a:

- Ufitziu Tènicu Comune de S'Ulumedu
- Istatzione de sos Carabineris de S'Ulumedu tss20178@pec.carabinieri.it

AVERTET

Est fatu òbligu de respetare s'Ordinàntzia presente, chie si siat violet sas dispositziones cuntènnidas at a èssere santzionadu segundu cantu prevididu dae su Còdighe de s'Istrada in vigèntzia.

Sos Agentes comunales e de sa Fortza Pùblica sunt incarrigados de s'esecuzione de d'Ordinàntzia presente.

In cunforma a s'art. 3, comma quartu, de sa lege 7 de austu 1990, n. 241, contra a su provedimentu presente est ammitidu, intro de su tèrmine de 60 dies dae sa notificatzione recursu a su Tribunale Amministrativu Regionale de Casteddu ossiat, in bia alternativa, recursu istraordinàriu a su Presidente de sa Repùblica, de propònnere intro de 120 dies dae sa data de notificatzione de su dispositivu presente.

Su Responsàbile pro tempore

Dot. Giuseppe Manca

Traduzione de s'operadora de s'isportellu linguìsticu de S'Ulumedu
Maria Leonarda Correddu

Atividade realizada cun su contributu de sa L. 482/99 e L.R. 22/18.